



KENYATAAN / SIARAN AKHBAR
Untuk maklumat lanjut sila hubungi:
Bahagian Komunikasi Korporat
Perbadanan Putrajaya
Tel: 03-8887 7033 Faks: 03-8881 1008



46

150 ATLET DUNIA SERTA 2019 IWWF WATERSKI WORLD CHAMPIONSHIP

PUTRAJAYA, 13 OGOS 2019 – Acara 2019 IWWF Waterski World Championship akan diadakan bermula dari 13 hingga 18 Ogos 2019 selama 6 hari di Pusat Sukan Air, Presint 6 Putrajaya.

Majlis disempurnakan oleh YB Tuan Haji Khalid Bin Abdul Samad, Menteri Wilayah Persekutuan. Turut hadir YBhg. Datuk Dr. Aminuddin Bin Hassim, Presiden Perbadanan Putrajaya (PPj), Mr. Jose Antonio Perez Priego, Presiden International Waterski and Wakeboard Federation (IWWF) dan YBhg. Datuk T. Y. Lee, Presiden Malaysian Waterski & Wakeboard Federation (MWWF).

Sebanyak tiga (3) kategori akan dipertandingkan iaitu kategori *Trick*, *Jump* dan *Slalom*. Kejohanan kali ini telah mendapat sambutan tertinggi dengan penglibatan lebih kurang 150 atlet daripada 32 buah negara. Lapan (8) juara bertahan dunia IWWF akan turut beraksi selama 7 hari kejohanan di Putrajaya.

Perbadanan Putrajaya (PPj) memberi sokongan penuh kepada penganjuran kejohanan sukan air ini selaras dengan hasrat kerajaan untuk mengembangkan lagi acara-acara sukan air peringkat antarabangsa dan kebangsaan di Tasik Putrajaya. Di samping itu, sukan air dapat dijadikan produk pelancongan bagi menarik lebih ramai pelancong ke Putrajaya.

Para pengunjung ke acara ini boleh menyertai aktiviti-aktiviti menarik di Karnival *Adventure* yang diadakan bersempena dengan kejohanan ini bermula 15-18 Ogos 2019. Antara aktiviti menarik adalah persembahan artis tempatan, reruai selebriti, *Inflatable Park*, *petting zoo* dan cabutan bertuah. Masuk adalah percuma.

Untuk pertanyaan lanjut berhubung Majlis Perasmian 2019 IWWF Waterski World Championship, sila hubungi Encik Ahmad Fazila Othman 03-88877508/012-5761490. Maklumat lanjut boleh didapati dengan melayari laman web <http://www.mwwf.com.my/>.

(TENGGU AINA BINTI YTM TENGGU ISMAIL SHAH)

Pengarah
Bahagian Komunikasi Korporat
b.p. Presiden Perbadanan Putrajaya

Tarikh: 13 Ogos 2019